



**C**hristopherus ex illustri ducum Bauariae familia natus, in omni uirtutum genere plurimum excelluit, atque inter Germaniae principes in magna existimatione fuit. Itaque Daniae proceres eum regem elegerunt, atque id ei per Legatos significarunt. Erat enim Erici ex sorore nepos. Promiserant autem Dani sese effecturos, ut etiam breui regno Gothorum, Sueonum, & Noruegiorum potiretur. Itaque Christopherus multis Bauaris comitatus in Daniam peruenit, & regnum oblatum suscepit, anno Christi 1440. biennio post etiam in Metropoli Upsalensi rex Sueonum constitutus & coronatus est. quanta autem fuerit eius diei gloria &

magnificētia ex eo potest cognosci, quod post militares ludos, ac plurima regij apparatus spectacula, septuaginta proceres cingulo militari decorati, & ad equestrem ordinem promoti ab eo fuerint.